

Austriæ Archiducatus.

462

Regio & unde dicta.

Situs.

*Cœli temperies.
Soli fertilitas.*

Imperium Majorum.

Urbes.

Sicse habet Moravia : sequitur explicanda jamnunc in nostra Methodo *Austria*, olim *Pannonia Superior* dicta. *Austriæ* nomen, Wolfgango Lazio teste, recens est : ab *Aultri* venti flatu, qui ista in regione frequens est : vel a voce Germanica *Oostreich*, quod nomen veteres Franci regnorum suorum limiti posuerunt, ut *Westreich* Occidentali. Atqui Francorum *Oostreich* ad Rhenum situm fuit : dictumque postea *Austrasia*, quo nomine amisso, videntur Pannonii illud sibi tribuisse, ut auctor est idem *Lazius* lib. 1. cap. 11 *Comment. Gent. Aust.* Sunt autem *Austriaci* Francorum & Saxonum soboles, qui hunc sibi tractum frustra reluctantibus Hungaris ferro pepererunt. *Austria* habet ad Ortum Hungariam : ad Meridiem *Styriæ* Montes, qui ab Alpibus perpetui in Hungariam & ultiores regiones protenduntur : ad Occasum *Bavariam* : & ad Septentrionem Teium fluvium & *Moraviam*. Aere fruitur leni ac amœno, salubrique ob *Euri* viciniam quo perflatur. Ager omnis generis Frugum feracissimus, & qui minimo impendio colitur. Vili etiam & strigoso equo Agricola in eo tractu qui Campus *Transdanubianus* sive *Marchianus* dicitur, terram arat. *Marga*, citra quam agri in *Bavaria* infœcundi, & macri sunt, quid sit, *Austriacis* incognitum est. Vinum omnis regio fert nobilissimum : meracius Germanico, dilutius Hispanico. Idque *Moravis*, *Bohemis*, *Sileis*, vicinisque *Bavaris* præbet. *Crocum* insuper generosissimum gignit : *Zinziber* etiam producit juxta *Hamburgum*, ad radicem *Cacii* montis. *Argento* abundat, non item *Auro* : *Salem* partim domi natum, partim importatum habet. Rexerunt *Austriam* aliquandiu *Comites Babenbergenses*, quorum primus *Lupoldus* *Marchio* *Austriacus* ab *Ottone* 11 Imp. dictus est. Postea *Henricus*, Dux ex *Marchione* factus a *Friderico* Imperatore. Qua stirpe deficiente, *Rudolphus Habsburgensis* qui in *Cæsarem* electus fuerat anno *MDCCCLXXX* eam sui juris fecit, Ducatumque voluit appellari. *Fridericus* 11 in Regnum etiam evexit. Hujus regionis insignia olim erant quinque *Alaudæ aureæ*, in cœlestino clypeo pictæ : sed *Lupoldus* *Marchio* hoc nomine v, a rei eventum ab Imperio concessa nova usurpavit insignia, rubro & albo coloribus distincta, quod ita totus suffusus sanguine, in expugnatione *Ptolemaidis* fuisset, cingulo tenus duntaxat (quod album corpus intersecabat) a cruore immunis. Dividitur porro in *Superiorem* & *Inferiorem*, quarum hæc ultra, illa cis *Danubium* sita est. Habet præterea quoque *Styriæ* Ducatum, inter *Danubium*, *Muer* & *Mietz* fluvios extensum, cujus *Incolæ* partim Germanico, partim *Slavonico* idiomate utuntur, strumisque pendulis deformes sunt. Habet & Ducatum *Carinthiæ* inter *Muer* & *Dravum* fluvium situm. Item *Carniam* Meridiem versus. *Primaria* *Austriæ* urbs est *Vienna* ante *Christi* Servatoris *Nativitatem* culta a *Sarmatis* & *Windis*, quibus successerunt *Boii*, *Senones*, aliique quos *Tiberius Nero* in provinciam formam redegit : *Vindebona* dicitur in *Itinerario Antonini* : *Ptol. Juliiobonam* vocat, uterque ad eam locat x Legionem Germanicam, quam eo loco confedisse multa admodum *Monimenta* perantiqua, tum intra urbem, tum extra eam testantur. Legioni huic a signo nomen *Alaudæ* fuit : unde etiam videntur prima orta esse *Austriacorum* *Marchionum* insignia, *Alaudæ* quinque.

Dicta